



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二二三

掣鯨堂詩集十三卷 費錫璜 撰

一

詹鐵牛文集十五卷詹鐵牛詩集十五卷（耐莊草四卷于路吟二卷

京遊紀一卷歎逝編一卷寄亭草三卷鬱行謠一卷師山草二卷學

步詞一卷）詹鐵牛續集十二卷（箇軒鳴四卷半掬草一卷南浦

秋一卷掛劍吟一卷遣夢詞一卷不廢吟四卷）詹 賢 撰

一三七

毅菴詩藁八卷 成永健 撰

四一七

費滋衡先生撰

鯨堂詩集

存素堂藏板

序

成都滋衡費先生與兄厚蕃先生並以詩古文辭續承尊人燕峯先生世緒故論西川名宿父子文章擅天下者眉山蘓氏後競推費氏費氏之東來也以明季流孽肆毒燕峯先生避賊氛移家於揚卜築著述啓翼後昆滋衡先生幼仰

家學於詩旨趣尤妙夙成壯歲游歷京華名公鉅卿爭相推挽先生淡於仕進旋歸就舍與厚蕃先生肆力交劇所詣益邃偶有感觸慨忼飛揚悉於詩歌發之至樂府一體直入漢魏目短曹劉生平尤有獨造其全稿不下四千餘首晚年自定心得如千首同人請梓以公好

此掣鯨堂詩所由不脛而走海內也寒
家與費氏交聯四世大阮行暨諸伯兄
皆從先生游先生神思淵懿議論超映
璣於末座竊聞揮麈殊為神豁歷誦先
生之詩大抵蚤年沉雄高渾當於近代
嶺南三家割取一席晚歲入蜀而還恢
宕疎老逾無跡象可求其餘帙未登梨

棗者字內方共顯望嗣君執御克荷家
教近以季弟賓南客籍摧傷慨然發歸
蜀之想將摺拾存稿以行夫自詩學波
頽蟲鳴蚓唱妄紛大雅非得先生黃鍾
振響一掃靡靡無以正旨宗而維風教
先生所存坊本不供遠通購求異日搜
取無遺難免人往風微之喟爰請梓本

留貯廣陵並存所遺餘稿行卜與厚蕃
先生白雀樓集合鋟行世庶源流不息
非獨撫遺編如親道範且俾有志問津
者不俟俟岐途其斯道之幸亦世風之
幸與時辛酉小陽後學汪玉璣拜題



掣鯨堂詩集目次

樂府三百三十六首

五言古詩二百二十四首

七言古詩七十首

五言律詩三百首

七言律詩八十四首

五言絕句五十五首

排律八首

七言絕句三百首

附舊刻二種共三百一十四首

目次

通計一千七百零一首

掣鯨堂詩集

掣鯨堂詩集

成都費錫璜誤

同學郭恒叅閱

樂府一

七志

吾早懷夷曠思五岳之遊或乘槎入海作域外觀
或歷覽名都紀其壯觀或邂逅仙靈度超塵俗至
故鄉風土益牽寐想經抑于衷久而未達植意淵
深興辭愴惋發為七章以敘志焉

泰山何確礪上有七十二君封禪壇秦始皇帝白石碑

掣鯨堂詩集 樂府一

昔人樂此樂此忘其歸滄海自言深深乃不可測尾問
其京日所出吾欲登山觀封禪壇秦王石有何老人自
言浮丘伯忽來顧我授我大丹術蒼虎白鶴邀我山頭
看出日無饑無渴不飲亦不食下視但見衆山鬱何崱
崱吾生為樂安可忽

苴蜀立國在西南隅汶阜東大峨西此父祖之廬有田
百畝山一區百鳥翔來集猿猴嘯相嘯為樂實堪娛關
隴賊來城郭變為墟千里絕人三年不耕伺人而食
故鄉亂不可與居父母棄故鄉離舍廬東奔江都回望
苴蜀魂若天關吾思西還蜀道大難欲溯江流望唐不

清代詩文集彙編

四

可上將登棧道劍閣銅梁窮巔攀西望松楸心悲酸
淮南有大山岡巒突巉坑遙望紫閣金殿山中靈藥世
人不得見得此藥服之即神仙自古有至人名成連相傳
隱此山不知何代年被草衣服文琴青麟白鳳何翩翩
太古遺音世不傳將往從之東入海棄絕人世逍遙遊
天地間成連鄙我不足教再拜而退仰天長嘯嗚呼吾
身未得道之要

京邑一何煌煌周數百里爲外牆城內不知幾千萬家
王侯第宅多相當車馬四邊來埓埓塵空飛揚內外十
數門門門三重關但見冠蓋遙屬望天子坐明堂百司

濟濟復攘攘

二

濟濟復攘攘朝廷稱聖治世運方隆昌自丞相御史將
軍中二千石以下郡國皆號賢良人民有慶吾道大光
當貴非吾願願天下長太平吾晞髮而徜徉

渡黃河西望崑崙山三望不得見巍哉崑崙山甚高乃
接至天其下周地數縣有苑闔風左繞華池右環翠水
中玄室九層西王母實主之蓮首戴勝豹尾而虎齒帝
命主此五厲青丘在其北曾城錯相時灑灑黃河源出
其下東流不知幾千里蒲海合之勢乃大脫吾車舍吾
馬吾將駕乎大荒之野

海中巨魚千里長化而爲鳥南北翔朝發八柱夕三桑

駕魚乘鳥遊遨乎八荒上視不見日月光下視海水海
水何洋洋風歛歛入耳雙目望來羊初忽恍以悽切轉
怔忡惕息而愴懷九州十嶽古神人一一忽來在我旁
天地終無窮萬物何微茫

長鯨不足駕大鵬不足乘又將舍此汗漫而游行若有
人兮蒙轂之北深目玄準卷龜而食將予游乎無極南
游丹微之鄉北游沈墨之室東游罔畱之野西游冥漠
之域卑御風陋追日窅然喪其所主蓋九息而乃內其
精魄然後西向而嘻怪老釋之失守舍吾道其安適吾
于何乎止息吾于何乎止息

四思

三

有所思思在何在大海東遺君雙鳳皇一雌復一雄食
君南山玉栖君北山桐野火燎山災我玉及桐鳳皇翬
翬軒蜚山不容君有父妾亦有兄溼薪爇火合不從有
所思心摧腸絕井樹枯桑知之

有所思思在何在大海西有赤螳巢遺君日月雙高
標日中有鳥月中有兔因君阻西方旦夜不寧處黃河
流以東日月奔以西太華高終南低去君不知幾千萬
里會見安可期山爛海枯河不東日月不西即當斷此
思

有所思思在何在大海南何物用問遺頭上有青絲有
青絲念自與君結髮為夫妻誓如此水白首不暫離上
山逐兔黃鵠驚飛驚飛獵人鳥知之高樹常苦風濁河
常苦泥劃水不斷但恐白髮拉拉相追催束髮舊嫌故
人所捐裂之有餘愛置之中心牽

有所思思在何在大海北聞君大海北春草不綠冬夏
有積雪日月光不到燭龍升天夜乃白遺君但用雙明
珠為君吐光照幽都妾心縷縷君心何如照見兩心真
有無自君心見疑一珠飛作天上星一珠墮作井中泥
君心真不變千秋萬歲終有會合期

擊鯨堂詩集

四

有所思不知在何所出門望四方何方何遙遙天生粟
地生毛海水蕩蕩白日搖思之不見望之煩勞願化為
大鵬飛到大海東飛到大海西飛到大海南飛到大海
北

朱鷺二首

鷺來汙絕勇羽降絲天鷺于習醜何啟而匪用習帝誅
諸有臯醜朕爾建大鼓

朱鷺將何食不食不食匪不食道為蓋菰為糧鷺吞邪
吞邪鯉烏鷺刺深淵中語鯉爾勿驚王師廉以仁附古辭
鳥之至仁者禽類不攫而食鷺不吞鯉故王書于鼓以討有罪朱鷺二
字鳥白魚以鳥為古韻字言無難也語即鷺食文八分多因上作省文考漢碑

有思算也鷺鷥算欲食欲鷺何食食加下加舊訓同荷宜同題荷菜
也下自互言鷺鷥食荷菜之類不之食之猶此也指魚言不以吐凡鷺食魚吞
而復吐乃食未鷺亦不吞吐此魚以此王師不殘殺其民但問誅有罪而
已故曰將以問誅者音清以下諸曲雖有解其所著漢詩談茲不盡載

思悲翁

思悲翁翁哉良可悲烏翁在時杖重牙駿藥之唐來奪
我美人翁馳之唐子群雀披鷺搏梟盧逐絕獲肉不食
食交君

艾如張

天將布置不藝惟陸草木翁賢于何當夷鳥之莽莽獸
之鼉鼉爾不來前天則置之

雍離

擊鯨堂詩集

五

上臨雍祀五時築齋室葺用惠共思德通妙氣致白腹
靈神會小臣稽首禱陛下千萬歲

上陵

不用韻如本辭

上陵生英玉下津產水碧所出既不同言各有其精問
君何鄉來將往南山中白虎捧玉梓赤豹張翠旌昇天
載青蜺光昭下所處有何兩神人奉我砂雄黃壹心終
不豫服此三十年雲雲更瞻翳不知明月魂魄死復生

將進酒

藥大雅快獨舉俳來前塞不語昌禮魂傳芭儻宣陰氣
百神鼓觀者雖樂思之苦

君馬黃

君馬黃非君馬之爲黃黃獨良去家門行遨遊則有十日五日之道千里萬里之鄉與君並轡參翔翔君馬在前我馬在後君馬苦肥我馬苦瘦我馬噉其君馬噉豆兩馬不齊人心則一馳驅天路母相讒疾飲酒愷歌樂何極但願君馬爲龍上青天我乘黃憤歸野田

上邪

上邪請與君絕交天雷震地禾滿山川修遠雨雪深君在青雲上臣在泥埃中車馬不能來不能去空復思君何益

石流

塵蟪之施施塵蟪之非施施黏河不上心何持安有翊天蜚止乘石涉海海動石流我欲不前石烏肯畱泰山不固以沈以浮悲翁如魚乎悲哉

佐雲

佐雲四塞天地日月山海行不見之登山望海鳥獸交衡馳雨澤當施不施蛟龍虎貔欲不食人腹空苦飢願聖人在位無老期

日出入

天生日出入陽且昭陰夜黑日出入有時日出入安之

人言鞠陵常陽距八十一萬里世人盡老死日出入不止

天馬

馬地毒飲炎精驕汗赤跼踏堅運奔星趨馳雲易之馳楚有騅美人駕迴九圓睽陽景復於追

象載瑜

象素莪背載瑜體惟正精斂徐六鳴徠朱綸離談膚廷嬉華池后皇嘉樂無厭

落雀

落雀雀落落雀之下原博雀無翼雀亦無脚爵身在塵

埃下何爲欺我之於患害中爵燕燕蜚止燕子乃在塵氏梁爵鼠有婦子鼠婦鼠子偃食洛陽倉南溝忽淺忽深雖無梁與黍游魚自然肥女兒有心吐與誰

猛虎行

讒口毒於刀猛虎安足逃堯逼其兄舜囚堯伊尹逼未喜放桀在南巢誰謂江漢清豈無濁與塵誰謂白玉潔腐臭化青蠅周公懼流言乃有東山詩孔子無畱執武叔毀仲尼讒人之言明君何由能察之

父母棄小兒行

吾母言吾家避亂時數騎過郛縣斜堰河先

有小兒十數人穴河岬為炊欲渡河覓野菜
見吾家騎渡遂相率而渡未至中流皆漂沒
死哀而賦之

父母棄小兒在原野饑不得食冷無褐號泣無晝無夜
十五五聚在河壩河流汨復汨欲渡不渡不識河高
下何人來渡河水深不淹馬兒亦赴之河竟沒之河水
本無情兒自投于死我顧見之心摧傷盜賊日夜殺人
懼兒號泣為禍殃棄兒在野不顧兒死亡寧當共兒同
死安能割舍此

來日當遠奔行

聖朝書集卷一

八

余有叔名樸賊亂時甫數歲奴負之逃賊驟
至奴遂舍之先一日祖母慮相失為作布袋
實以牛肉菜蔬大豆命之云云明日果相失
遂不復得

來日當遠奔囑咐兒三兩言兒生不辰逢此大難今當
奔命逃懼兒不獲全為兒作布袋繫着兒身邊中有菜
蔬大豆牛肩兒渴食菜蔬兒饑啖豆及牛肩慎無啼哭
連連哭於中野阿母不得為兒憐囑咐未及終淚出如
流泉倉皇入山口賊勢如風煙鳥鳥一分飛渺若天與
淵三覓終不得痛哭大河邊昨日囑咐兒言舍置勿重

豔歌行

同心漆與膠黑白雙綫繾綣恐君心變日久結在腰日
夕結在腰雙綫繾綣條君去不復來結亦不復開
雙燕參差飛新紅成故衣聞說君心變扯碎燒成灰心
果松樅堅此灰當復鮮

短歌行

古人皇氏在帝位四萬有六千歲是天地清廣萬物明
化人與麋鹿羣人不相殺傷大化久不弊自神農軒轅
顓頊至堯舜人壽日已促彭祖七百且云不祿何乃今

聖朝書集卷一

九

之人百年尚不足行復念之百年能幾何尚苦不足
牛噉草雞鳴飛上屋

捉搦歌

生男願得作家好生女願得嫁夫早爺娘不嫁女不言
閨中攬鏡傷懷抱
紅羅複帳合歡被天生男女願相配阿婆前年若嫁女
如今生兒已數歲
桃花亂飛李花謝打鼓開筵在今夜新為夫婦何所望
但恨爺娘不早嫁

東家宰牛西宰羊東家女嫁西家郎今日嫁郎為新婦

來歲生兒便作娘

夕月

皓露降兮既盈浴芳蘭兮秋英靈光昭兮而來下橫瞻
脩兮洛濱撫長劍兮若沐鏘玉佩兮有遺音梧青青兮
落止眇思君兮澧水深褰吾裳兮輕舉與汝游兮澧之
浦猗冥冥兮夜墜怨悵惆兮思汝

七夕

宇穆曠兮秋夕哀帝子兮河側寥陰陽兮氣清荃胡爲
兮長太息長太息兮隕涕眇秋河兮安極白雲車兮夕
張眇佳期兮不能忘露落兮履下星浮兮木上采杜華
衍相羊漢可濟兮江有航荃何爲兮永相望

定情

有美人兮異里善要眇兮委蛇轉翠羽兮修姱佩芳馨
兮襲余曼長袖兮垂悅吹回風兮旖旎與女期兮中洲
若何爲兮參差目眇眇兮曾波盼公子兮傷如何桐華
兮隕落鴻鵠兮征美人兮不來浦雲暮兮夕深

捉搦歌同方冀翔東華賦

鑿石作車行不得投鍼井中那復出烏鴉百洗終究黑
拗竹爲弓何日直

燕歌行

初入都吳樸菴招同錢亮功朱贊皇戴褐夫汪文
升蔣揚孫何屹瞻履上小集二校書佐飲分體
駕馬四來到主人門主人于門主人延客入門上堂堂
上羅清滄洲酒後列代州倡琵琶坎侯夾兩旁芙蓉發
面紅生先伊憂軋倚之絲聲絲亂如于颺與君初不相
知何爲絲之所言是我心中思心中思君鳥知之鴟之
蜚日以千里蝴蝶之蜚蜚以微忽在倉浪天忽在大海
湄幸得主人憐主人有酒蝶莫辭

上留田

大道無奔馬上留田遊塵無高飛上留田桃樹之開花
上留田乃在陽春三月時上留田翁生三子上留田大
男次男爲朝大夫上留田小男慎獨與居上留田後門
納粟上留田前門投刺謁書上留田人生但願適志上
留田出門何必乘車上留田

生世亦何足樂上留田君子駕馬乘軒上留田小人鼓
歌樂喧上留田丞相宣布大化上留田今時縣令清賢
上留田齊心合志同歡上留田慎勿記憶過愆上留田

枯魚過河泣

枯魚過河勿復泣亦勿復悔亦勿復寄書前有縑畢後

有網罟下有網罟上有網罟大魚吞櫓目爲明珠小魚
咬沙曲鐵生須出不得與樂入不得與居法令如繭絲
安能伯叔兄弟長相呼

隴頭水

隴頭水東西流斷蓬轉索不肯休隴頭水流西東駒
老馬兒成翁隴頭水流東西壯夫戰死寡婦啼

履霜操

我將言兮天怒傾終不言兮玉爲塵罪莫大兮我甘任
不可任兮可奈何停可食兮蓮可裳我冤至死不能明

殘形操

夫何一物兮感我夢驚我魂我懷之傷見其身不見
其首兮我懷之殘

尸牛操

趨熊子夢一夫牽牛僅存皮骨右股有瘡有小兒
鞭其瘡吾憐之乃繫壁上而牛皮且開一張一翁
牽牛者云牛善耕傷力致此

母恃汝力而傷汝骨筋母愛汝名而銖汝心

碌碌

碌碌碌碌碌碌碌碌上車心急車不速碌碌前車碌
碌後車復碌碌碌早起出門行至黃昏客心不足碌碌

他家小兒乘馬右佩長弓左佩大刀馬上意氣亦何雄
豪咳唾至地歟起風颺碌碌我車不前我實空腹積水
成淖牛蹄躑躅沒我兩踝浸我車轂碌碌

虎塚當蒿里

解題孫可望僞將賀九儀擊殺大學士嚴起恒于
水中已三日漁人來報青山江中浮一屍有虎竟
入水中負屍上山以爪爬土成墳賀九儀亦遣人
往視虎見人多方緩緩去九儀亦驚懼作虎塚
誰謂虎無禮飢不食君子誰謂虎不仁爬土成墳瑩惜
哉好齒爪不爲殺賊臣

龍封詔當丁督護

解題崇禎初李韓公十世孫婺源李世選持太祖
龍封御筆詣闕上之求續封因內有誤字不准
功大罪小泣不止後二百年封汝子誤書不信天哀止

青羅怨當棄婦二首

金色鯉魚長一尺夫婦兩人不相識

妾青羅君黃幄千里來詔下獄鴛鴦鏡破難重圓當時

錯羨南飛鵠

土橋初當平陵東

解題晉國公黃得功自儀真來土橋鎮迎其宗人

黃蜚高興平傑疑其窺已以千騎圍之黃不甲馳
馬潰圍僅以身免將治兵相攻後史閣部為解之
高以百馬償黃乃免

石人頭土橋東猝來千騎劫晉公人不及甲弓不及張
白龍困泥心中惶與平怖晉公怒美女無仇兩交妒國
事恩恩那復顧一馬死百馬償男兒但關身手強

鴻鵠操

解題費子渡江見鴻鵠南征自午及昏整整不止
感而作此操

彼鴻鵠兮噫南蜚不止兮噫民勞如此兮噫

樂府一

伯勿去當塋筴引

解題高興平為盜時殺許定國一家及受貴陽指
殺陳肖宇益為定國所忌高至睢州復勸定國殺
其妻定國遂殺高北走高欲就許參佐皆勸阻高
不之戒遂及于難

伯勿去伯且住人將殺伯伯不悟

諸陵哭

解題崇禎十五年祖陵震動悲號人見二人相搏
擊迫視之則二犬也十七年孝陵夜哭長陵人時
見紅燈於崇禎末紅燈遂不復見世傳讓皇天下

大師墓在西山嘗與宋豫菴入山訪求終不得
南陵哭北陵續紅燈滅燐火綠為語長陵且勿哭建文
無陵亦無木

迫促行

解題烈皇帝在位十七年易置宰輔五十餘人誅
卿貳巡撫總兵百餘人又倪文正公詩自注云數
年內竄逐各官七百二十餘人乙榜任子不在內
練餉之費歲糜千萬催科之嚴一夫逋租累及族
里一分告欠銓曹不遷烈皇帝憂勤惕厲而不救
滅亡身殉社稷悲哉

樂府一

五

迫促迫促下山車轂馬力竭車折軸鞭撻流血且不足
稅駕無時白日速大臣誅小臣逐臣欲言之恐為戮太
廟鬼走諸陵哭道旁烏鵲食人肉迫促迫促

燕歌行

涼風寥寥氣清冽坐曲墀廣庭美人明珮瑤瑛激弄素
齒朱唇臨風高暢哀音若發金石嘈啞吹蘭吐桂芳馨
含愁蓄怨未信婉轉為君再陳少年二八多情誰能聽
此不傾

升天行

經過鉅嶽名山遙望飛觀雲端蜃隱含煦晨暄驕吳赤

豹爛編神人遺我金丹已歷七返九還服之駐世保顏
三辰光光可驂上與天老齊觀顙眎陰氣瀰漫放神樂
志極歡誰能刺賊塵寰

結客少年場

我將謁帝承明道逢上客嘉賓一時歡會懣情問君胡
爲遠行詔令徵求雋英郡國上計書名中春應會都城
丞相策問九經侶侶王道敷敷富貴勿忘賤貧與君結
交弟第赤雞白狗申盟

短歌行

歲宴置酒高堂子婦具列酒漿脯脰東栗成行少者鞠

擊鯨堂詩集樂府一

十

臚行觴祖禰餞餘是嘗家人歡樂未央釃盆焚鬻芬芳
此夕被涓不祥我獨四顧傍徨老妻涕落沾裳心悲弱
女難忘微命奄如晨霜病眼溼溼不明逢遇令節感傷

羽林郎

羽林郎霍家奴乘大馬駕高車立龍袍海水俱垂長褒
缺襟裾良譙會烹肥猪雙童舞吹笙竽客既醉吐艷氈
千金貴不惜汙勿近前捋虎鬚

改隔谷歌

兒在京中父在外船無帆鳥無翼黃金如山行不得殺
我來殺我來

擊鯨堂詩集

烏棲曲

交龍雙鳳兩鴛鴦青鋪綠鎖鬱金堂烏鴉夜夜棲高樹
能得幾時共君住

累恩珠綴雙瓊鈎淡粉輕烟十四樓少年二八顏如玉
何惜金錢不來宿

工顰歛笑翠眉低含情未吐心已知托歡怙愛結君珮
他日富貴其相棄

板橋女兒年十六約黃點絳描蛾綠含羞態舞君前
願君爲歡及少年

改阮籍大人先生歌

擊鯨堂詩集樂府一

十

海水崩裂日月毀壞六合開朗我獨安在至人形亡性
無内外

將軍不起哀楊閣郎不能制左帥也

將軍起賊破襄矣將軍急起將軍不起奈爾何報言丞
相老夫有罪丞相慎勿生怒嗔國家承平視壯士如牛
毛輕一日有事誰能萬死一生供他人驅如牛毛輕丞
相自愛千金軀臣守臣職不敢踰

緬瓦

緬甸瓦一十四番製古形特異不知何人留文字海角
崖山楮墨荒蕪血天南紀遺事勲家鐵券銷埋沉緬瓦

緬瓦堪悲涕

黃囊

崇禎元年五鳳樓得黃袱內云天啓七崇禎十七
還有福王一又十七年正月沅州銅仁縣出石碑
文云東也流西也流流到天南有盡頭張也敗李
也敗敗出一箇好世界

黃囊黃囊天降不祥前言天啓後言福王曆數有定後
乃滅亡鬼神幽隱不可測沅州又出五尺石

姑惡鵲

六女將死前數日奴兒穩子于塘頭水次捉姑惡

樂府

六

雛六還家畜于水鷄聲甚悲不食明早遺奴于大
雨中仍送故處姑惡見鷄歸皆自空飛下若不畏
人者始捉鷄還六女臥病猶取至牀前自手摩之
悲哉

姑惡姑惡水淺泥濁生鷄五六黑翼黃脚道旁小兒下
水捕鷄姑惡驚飛上天下顧六鷄不可再索一解小兒
持六鷄歸三尺席圍作圍一盂水作汙池六鷄不食伊
伊憂憂含悲主人聞之心摧顚慎勿留此羈繫二解命
奴送鷄還故處兩姑惡見六鷄來歸急下自天遠小兒
飛點頭鼓翼謝小兒亦誠難為三解亂曰我命不如姑

是我六女不如姑惡六鷄六鷄還有時六女歸無期

善哉行

絲管累百不如瑟琴縱有意氣不如黃金志不在大得
者稱賢騏驎不進駑馬或先短狐工射殺人無形君子
畏讒憂心兢兢八月種瓜失在後時懷耻忍詢人莫我
知食棗而甘中有棘刺周道坦坦小人陰伺忠信正直
險夷一致

高句麗

河伯外孫日之子被髮東走過大水魚龍為梁踏海日
追者不及投弓矢建國樂浪由此始黃裙赤袴烏皮靴

樂府

五

金花高帽垂袖紫為君翩翩舞不止大國勿笑小國裝
粧綸傳來漢時製

度李機

昔傳有乞丐于黃鵠磯呼肚裏饑久之乃度市人
李機仙去人始悟前為隱語今漢口復有李做機
人亦稱其有道術云

肚裡饑肚裏不饑度李機小兒勿笑肚裏饑李機度去
肚不饑遺言三百年後江水赤此地復有李機出

銅棺

宣德四年鄭川玄帝廟空中忽降銅棺一具人爭

往試之身皆不合有驛信宿挺身入適長短相
合即有銅蓋自空飛下覆之異樂競作昇霄而去
邑人盡見之

貧富有常生死有定君不見鄒驛丞天降銅棺與身稱
反相逢行

君駕兩馬臣黃犢狹斜相逢夾君轂相逢不必問君家
君家不必爲臣告君家即豪貴與臣何與君家有良田
美宅與臣何與大兒爲丞相次兒將軍封侯小兒尚大
國公主瑣細不足誇早食醢醢午割黃羊莫飲馬乳酒
不厚誇君不見臣牛角上掛漢書如君輩良足悲勿復

區區

驚鳥篇

城上高呼驚我鳥鳥祝郎勿射悲爾已孤
水中潛蚪縮而爲蜃蜃獨憂誰與爲謀
闇室如漆不見牛馬隔幙看珠執辨真假

掣鯨堂詩集

卷一

掣鯨堂詩集卷之

成都費錫璜滋衡

樂府占辭

日重光二首

日重光日出入重光日重光光在上光光燭海海水
光復光日重光東光之射雀眼雀則起啁蜚日重光西
光之乃墜老龍家老龍見日光歸日重光天生日出復
入入復出出入之暘谷尾閭之千何日重光日出重光
日入重光光重光重光重光光光安窮重重重安
極日日日出日日入日日重光重光光光重重重光
光之光光天下天下和寧水土既平堯禪舜舜禪禹重
光光重重重生聖人日重光堯曰放勳舜曰重華卿雲
爛亂縵縵日重光旦復旦日重光十日之光光交光光
殺人后羿射之光安在日重光如日日出夜出日非此
日日如日日光非此光光如光光重日重光爲沴乃亂
我日之光致黑白枉直相雜君德不明羿既射如日何
易夏自立少康滅之日重光青光重紺光重白光重赤
光重紺光重青光赤光重白光青光紺赤白光重日重重
光日月之相於陰陽錯互受日光光于陰日重光麒麟
爲王者生何事觸觝令日光死日重光蝦蟇吐舌八千

掣鯨堂詩集

卷一

里啖日光光赤復光紫日重光丞相百物不理致天目
替禾黍熟不以時閭虛靡盬日先生黑子日重光蚤重
噴氣貫日橫斷光光髻復生珥日重光寡婦擊杵黃口
兒打鼓陰陽和日光復聖皇老壽太子仁孝大海內外
合爲一

日重光祖爲清白廉吏日重光父爲世大儒日重光匣
有三百卷錄誤書日重光天子不得徵其人日重光公
卿不得造其廬日重光小子敢前言日重光屈賈上爲
友足自娛日重光他家誇稱豪貴日重光丞相錄尚書
事亦徒區區

異鳥

費子家於河側有鳥集於河之澳海之濱其
高飛也類鵠其善鳴也類反舌其文章類雉
其威儀類鳳其高潔類鸞蘊於胸者吐綬之
奇光於後者孔雀之耀如杜宇之善怨姑惡
之苦如慈鳥之仁青翰之廉鵠之健而無衣
似寒號蟲饑似鷓鴣拙似鳩此何鳥也其備德
之鳥而不免於窮者與乃援琴而歌之曰
何彼一鳥集於河濱非鳳非雞無褻無驚我懷鳥德莫
知鳥名也不恒見羅於何援

之

遂安城破廣文鄒儒縋城聚義勇復城詩以紀
星亭上一呼集

父面破子齒折努力復城乘夜月殺賊如麻不知數當
年記是中元節

賊復來火大舉塚中髑髏作人語義兵歡呼賊火滅快
哉一片西風雨

亂既平遂安寧巷南巷北雞犬聲薄能小効蒙異數何
況能全百里城

滑語

衛娘髮潤塗膏油梭船揚風下灘流草履踏淖斜坂修
象箸捕芋百不休

澀語

草蔓荒畝耕敗犁鏽刀出鞘蟲行泥詩歌塞學顏延之
文章句度樊宗師

惜哉志士行

惜哉志士亦何愚死亦何愚死無以爲名亦何愚吁
誰無室家棄之如遺誰不畏死甘之如飴惜哉志士兮
解二海內豪俊知與不知聞志士死鮮不哀之惜哉志士